

# iRúnië Fiondilo:



Arthur Austin Boccaccio tencë

David Wyatt tuncë

**Hantalë Helge Fauskanger ar Evenstar restalelyan as sina parma  
ar hantalë David Wyatt lavien yuhta vánima tucieryo.**

\*\*\*\*\*

Lúmequentialë sina martea Númenóresse teldë loar epë Atalantië, írë Isildur remba  
minë erdë Nimlotho, i Ninqë Alda Númenóreo.

## I: iYomenië

### Mallenna Rómennassë, atta nildi omenta.

- Vandiel: Aiya, Ercassë.
- Ercassë: Aiya, Vandiel. Ahlárentyë?
- Vandiel: Mana?
- Ercassë: Hannonya , Fiondil, avánië.
- Vandiel: Avánië? Manen? Manan?
- Ercassë: Úquen hanya. Vannes tellarë apa i sinyë meren. Atar rama; amil nyéna.
- Vandiel: Ar tyë?
- Ercassë: [Fírala.] Ni quant' angayassëo.
- Vandiel: A tirë! Tulë hannonya. Valandil!
- Valandil: Aiya, Nésa , Ercassë.
- Vandiel: Valandil, Fiondil vannë tella lómë.
- Valandil: Vannë? Úmin sana sië.
- Ercassë: Ma hanyatyë ma?
- Valandil: Ma policcë hepë fólë? Yúyo?
- Yúyo: Ná.
- Valandil: Ce nyaruvan, mal ú-sinomë. Omentuvanyel lúmëssë Ehtelessë iEldarion. A nyarë úquen.
- Vandiel: Lúmëssë. A tulë, Ercassë.

### Vandiel ar Ercassë autar. Valandil vanta coanna Amandilwa. iCoandur suila Valandil.

- Hallatan: Aiya, heru Valandil. Manen polin le veuya?
- Valandil: Aiya, Hallatan. Merin cenë Anárion.
- Hallatan: A mitta, nessa heru. Tultuvanyel sonna.
- Valandil: Hantalë.

**Hallatan tulya Valandil i parmassenna.**

Hallatan Heru Valandil le cenien herunya.  
Anárimon: Valandil, otoroninya, aiya.  
Valandil: Aiya, otoroninya. Haryalvě tarayassě.  
Anárimon: Mana?  
Valandil: Fiondil.  
Anárimon: Ma ahlárnietyě?  
Valandil: Hlarnen. Nésarya maquetěa maquettar.  
Anárimon: Mana caruvatyě?  
Valandil: Nyarnenyas omenta as ni lumessě.  
Anárimon: Massě?  
Valandil: Sé Ehtelě iEldaron.  
Anárimon: Mana nyaruvatyas?  
Valandil: iAnwa, mal avaleryuvanyas fólen.  
Anárimon: Ma tyě tanca?  
Valandil: Me úvas varta.  
Anárimon: Tan mára. A lelya. Úmit merě ná telwa.  
Valandil: Hantalě, otoroninya. Namáriě.  
Anárimon: Namáriě. iValar aselyě.  
Valandil: Ar yando aselyě.

**Valandil aut' ar vanta Ehtelessě iEldaron. Hires Vandiel ar Ercassě tanomě.**

Vandiel: Tyě apatulda.  
Valandil: Ánin apseně. Mauya nin ceně mo minya.  
Ercassě: Mana hanyat, Valandil? Massě hannonya?  
Valandil: Varna. Antan vanda sinan.

Ercassë: Mal, manna elendië Fiondil?

Valandil: So as Isildur. Avánientë Armenelosenna.

Vandiel: Manan?

Valandil: Lendent' etelehtien erdë Nimlothwa. Sauron selya usta iNinquialda. Isildur ar Fiondil avánier fólenen Armenelossenna. Úquen hanya, hequa Anárion ar ni ar sí eccë.

Ercassë: Umir hanya i heruvi Amandil ar Elendil?

Valandil: Umintë. Umis mauya tien hanya. Ná arraxëa tien. iAran tirë i herur Andúnëo illumë.

Ercassë: Ma lá raxëa hannonyan yando?

Valandil: Ai mandaina ná. Selien sina, mauya tyen anta vanda moilëo variën hannolya ar Isildur.

Vandiel: Nauvammë, ma úvalvë, Ercassë?

Ercassë: Nauvalvë.

Valandil: Mára. Hepuvan eccë yúyo tanan.

Vandiel: Mana carilvë sí?

Valandil: Sí, lartalmë.

**Valandil ar Vandiel quetir “Namárië” Ercassen i entulë coaryanna. iOnóni lemyar i ehtelessë.**

Vandiel: Lá quetëat ilqua.

Valandil: Hanyatyen acca mai.

Vandiel: Me onóni apa ilyë. Mana úvat quetë Ercassen?

Valandil: Isildur sellë lelya erya. Sananes acca rimbë lier i istaninë pá sin né cé raxëa ilquenen.

Vandiel: Mal, Fiondil lendë yando... Ma quetëat Fiondil hilyanë Isildur ú-hanieryo?

Valandil: Ná.

Vandiel: Manen nolyanë Fiondil i selië Isilduro?

Valandil: Lá hanyan.

Valandil: San, manen nolyanet etyë pá sin?

Valandil: Fiondil nyarnë nyën. Úmenyes maquetë manen hanyanes pá sin.

Vandiel: Ar úmet carë ma?

Valandil: Ánen vandan' yando.

Vandiel: Mal, ma úmet varta vandatya as Ercassë ar ni?

Valandil: Ánen vandanya lá nyarë i heruvi Amandil ar Elendil.

Vandiel: Mal er -

Valandil: Équentienyë len ar Ercassen leménë Anáriono.

Vandiel: Ar sië, lartalvë.

Valandil: Ná, i assarda ma ilya ambaressë. A tulë, cé entuluvalvë márenna.

## 2: Heren iNinquialdo

**Autar neldë rí. iCoanna onónion, i coandur, Mardil, analelya Valandil. Ná sinyë.**

Mardil: Heru, atan sinomë le cenien.

Valandil: Man?

Mardil: Úmis quetë. Ánes nin sin len autien. Quentes hanyuvalyë.

**Mardil anta Valandil ninquë sar as alda túcina sanna.**

Valandil: Cenuvanyes. A tulyatyés i parmassen' ar a tulta nésanya.

Mardil: Ve merilyë, heru.

**Valandil mitta i parmassë. iNer tanomë. Colis collo ya nurta antarya.**

Valandil: Mernelyë nyë cenë?

Laurendil: Valandil Calamacilion?

Valandil: Ná. Ar le?

Laurendil: *[Alafantala antarya.]*Ni Laurendil Rialcarion . Tulin Tol Eressëallo.

Valandil: Herunya. Ánin apsenë mal coandurinya úmë quetë nelyë quén Eldaron.

Laurendil: Úmen merë san ná istaina.

Valandil: Mana tulta quén Eldaron sinomë?

Laurendil: Haryan len menta.

Valandil: Yallo?

Laurendil: iMerirello len mai.

Valandil: Ar i menta?

**Epë Laurendil polë nanquetë, Vandiel mitta.**

Vandiel: Valandil, Mardil quentë mernet...Ai, ánin apsenë.

Valandil: A mitta, nésanya. A lavë nin carë istaina tyen heru Laurendil Rialcarion Tol Eressëallo. Herunya, onónanya, Vandiel.

Vandiel: Suiliantanyel, herunya.

Laurendil: Elen síla lúmmen' omentielvo, herinya.

Vandiel: Hantalë.

Valandil: Mana quentelyë nin pá menta? Iquista, quetuvaly' epë nésanya.

Laurendil: Heren iNinquëaldo ementië ni quetien ilyain Eldandilion Númenóreo. Herenemma rucir i lauyala turello Saurond' or aranella . Ëä tírima. Vanwa i tulië Eldaron nórenna sina, hequa maressë ar fólenen.

Vandiel: Heren iNinquëaldo? Mana ná tana?

Laurendil: Heren iNinquëaldo ná fólä heren imíca iEldandili ar iEldar Tol Eressëo. Merint' etelehta Númenóre Sauron ar Pharazônello, mal umin sana polë etelehtaina ná.

Vandiel: Ar tyë hereno sina, hannonya?

Valandil: Inyë. Sívé si tyë yando.

Laurendil: Umin equetië er as Anárion, mal istan Isildur enutúlië as erdë Nimlothwa.

Vandiel: Enutúlies? Ar Fiondil?

Laurendil: Man Fiondil? Isildur entullë erya.

Vandiel: Erya? Massë Fiondil? Man' amartië Fiondilen?

Laurendil: Lá istan, hína. Isildur entull' erya ar caimassë laiwa urienen . Tan ilya istan.

Valandil: Sinë ulcë sinyar. Fiondil nildommë. Úquen imíca nosserya ista Fiondil vannë as Isildur Aremenelosenna, hequa nésarya, Ercassë.

Laurendil: Cé Isildur quetuva rato ar nyaruva men pá Fiondilo umbar.

Vandiel: Mauya nin lelya Ercassenna. Mauya sen nolya man' amartië Fiondilen.

Laurendil: Sérë, hinya. Mínya men nol' ya istaina Isilduren. San selyvua i mauya carien.

Valandil: Heru Laurendil quetë anwavë. Mal, a lelya Ercassenna ar a tulta se coanna heru Amandilwa.

Laurendil: Mára. Hótuluvan aselyë coanna heru Amandilwa. Áva rucë! Hiruvalmë vanwalla Fiondil.

Valandil: A vanta moicavë, nettenya. Ettirnor i arano nar ilnómë.

Vandiel: Vantuvan, hánonya. Cenuvanyel coassë heru Amandilwa rato. Namárië.

**Autantë i coa. Vandiel vanta terë i quildi maller Romenno i coassë Ardamirwa, atar Ercassë ar Fiondilo, ve Valandil ar Laurendil ratar tienta i coassë Amandilwa írë Isildur enutúlië laiwa ar ú-Fiondilo.**

### **3: Man' Amartië Fiondilen?**

**Anatúlala i coassë Amandilwa, Laurendil ar Valandil omentainë Hallatanenen.**

Valandil: Mára sinyë, Hallatan. Merimmë cenë heru Anárion.

Hallatan: Ánin apsenë, heruinyar, mal heru Anárion lá merë cenë aiqen.

Valandil: Iquista, ánta son sar sina. Sanan cenuvaryem.

**Valandil anta i ninquë sar Hallatanen.**

Hallatan: A larta sinomë, ai selyuval.

**Rato, Hallatan entulë.**

Hallatan: Herunya Anárion le cenuva. Iquista, a mitta.

Valandil: Hantalë.

**Hallatan tulta Valandil ar Laurendil i parmassenna. Laurendil lemya fantaina. Anárion suila te ú-lassëo.**

Anárion: Valandil, lú sina umë mára. Isildur...

Valandil: Hanyan, otoroninya, mal man' amartië Fiondilen? Massë so?

Anárion: Lá istan. Isildur laiwa urienen. Haryas rimbë harwi. Rucimmë cuileryallo.

Laurendil: [Alafantala antarya.] Cé polin resta.

Anárion: Man naylor, heru?

Valandil: So Laurendil Rialcarion Tol Eressëallo. Áson lave resta.

**Elendil mitta i parmassë ú-istiëo aiqueno.**

Elendil: Aiquen polë envinyata yonya, nauva quén Eldaron. Aiya, heru Laurendil. ni Elendil.

Laurendil: Aiya, heru Elendil. Met mai omentaina. Massë caita yondolya.

Elendil: A tulë, tanuvanyel, Eldaheru.

**Sivë Elendil ar Laurendil autëar i parmassë, Hallatan mitta as Vandiel ar Ercassë.**

Hallatan: Heri Vandiel ar heri Ercassë, heruinyar.

Vandiel: Suilanyel heru Elendil, heru Laurendil.

Elendil: Mai omentaina, herinyar, mal, manan le sinomë?

Valandil: Ánin apsenë, herunya. Maquenten nésanya tulta Ercassë sinomë nolien hannoryo umbar. Úmes entulë as Isildur Armenelosello. Hyamimmë Isildur harya sinyar.

Anárion: Lá equéties pá Fiondil. Urierya antara ar harwinyar assarcë. Quetis pá uqua.

Ercassë: Mal, man' amartië hannonyan? Massë so?

Elendil: Hína, tenna sinyë sina, inyë lá istan Isildur autaina Rómennallo.

Laurendil: Lemënë elyo, herunya, á lavë heri Ercassë tulë asinyë cenien yondorya.

Elendil: Nasië. Á tulë, hína, cenuvammë yonya.

Valandil: Vandiel ar ni lemyuvar sinomë ai lavuvalmë.

Elendil: Mára. Anárion, á cenë maurintain.

Anárion: Ná, Atar. Massë Apatar ?

Elendil: iLótenómessë , rérala i erde Nimlothwa.

**Elendil, Laurendil ar Ercassë autar.**

Anárion: Manen omentanel iEldaheru?

Valandil: Tulles coammanna cólala i sar i Hereno. Haryanes nin menta: iEldar lá entuluvar Númenóreenna hequa maressë ar fólenen. Rucintë i lauyala túrello Saurond' or i aran.

Anárion: Rucen sinallo. Apatar equë ré sina cé tuluva.

Amandil: [Vantëa i sambessë.] Ar sië utúlies, Inyo.

Anárion: Apatar! Úmemmë cenë mittal.

Valandil ar Vandiel: [Suilatala Amandil.] Mára sinyë, Alatamilhanno ..

Amandil: Mára sinyë, hinyar. Ahláriel i sinyar?

Valandil: Ahláriemmë.

Vandiel: Alatamilhanno, Fiondil lendë as Isildur Armenelosenna, mal úmes entulë.

Amandil: Istan, hinya. Isildur sananë hepë lenderya fólë nillo, mal sintenyë, ar sintenyë Fiondil vannë asero.

Vandiel: Manen?

Amandil: An Fiondil quentë nin epë hilyala Isildur.  
Valandil: Ar sí, Isildur caita harnaina ar Fiondil ce mandaina var...  
Vandiel: Lá! Avaquetes! Fiondil cuina.  
Amandil: Hyamuvalmes sië, hinya. Mal, ai so mandaina, lá cuinuvás andavë.  
Vandiel: Mana selyal?  
Amandil: Hanyat mana i umbar iVorondion i mandainë Saurondenen, Vandiel.  
Vandiel: [Quildevë.] Hanyan.  
Valandil: Mauya men carë ma, heru.  
Amandil: Ar caruvalmë, yonya, caruvalmë.  
Anárion: Sinomenna tulir Atar ar heru Laurendil.

**Elendil ar Laurendil mittar. Ercassë ú-asantëo .**

Anárion: Manen Isildur, Atar?  
Elendil: Heru Laurendil pollë carë urierya lanta, mal...  
Laurendil: Harwiryar assarcë. Er lúmë nyáruva.  
Amandil: Aiya, linyenwa meldo. Ná andavë ar andavë sa omentielvë.  
Laurendil: [Raina, ve mapas i má Amandilo.] Andavë sivë Atani onotir sië, mal nin, er i ré epë tellarë.  
Vandiel: Mass' Ercassë?  
Laurendil: As Isildur. Mernes hamë asero.  
Valandil: Ma equéties pá Fiondil?  
Elendil: Lá.  
Valandil: Lelyuvan Armenelosenna entarë hirien Fiondil var nolien ma pá umbarya.  
Vandiel: Ar ni yando.  
Valandil: Vandiel...  
Vandiel: Ni yando, Valandil.  
Ercassë: [Mittala i sambë.] Ar ni.

Valandil: Va, va! iLendë ná arraxëa. Úmiccë hanya ya maquetëaccë.

Ercassë: Fiondil ná hannonya. Lelyuvan aselyë so etelehtien.

Vandiel: Ar lelyuvan heprien yúyo varnä.

Laurendil: [Raina.] iYelder atanion nar astaldi . Lá sanan haryat túrë sinomë., Valandil.

Elendil: Selyalyë, te sanwelóra. Ya maquetil únat, yendinyar. Valandil quetë anwa. iLendë arraxëa.

Laurendil: E arraxëa, mal únat? Va, laumë.

Amandil: Mana quetëal, linyenwa meldo? Ma tancavë úmil sana wendi sinë lelyuvar Armenelosenna? Úquen Vorondion nar varnä tanomë.

Laurendil: Hanayan, mal sanan nauval saila lerta te lelya.

Elendil: Mal, manan - ?

Laurendil: Órenya quetë nin mauya tien lelya Armenelosenn' as Valandil.

Amandil: San lelyuvantë. Estelyanyel, herunya, siv' estelyan alarimb' etyë.

Anárion: Apatar, ma saila sina?

Amandil: Írë quén Eldaron quetë, ammára lasta.

Laurendil: Nal er saila, meldonya. Hyamin nólë tana etelehtuval yallo tulë.

Amandil: Hyamin quetel téravë. Entarë, ce neldë lelyuva Armenelosenna hirien Fiondil.

Laurendil: Ar inyë lelyuvan asentë. Tienya caita nómenna.

#### 4: Armenelosessë

**Armenelos: i osto aranion, as Sauron arwa i arano. S' osto rimbi raxelion. Valandil, Laurendil ar i atta wendi analelyar i osto sinyessë. Vandiel ar Ercassë umir vor ecénië i osto, mal Laurendil ar Valandil mai hanyar Armenelos. Lelyar coanna Mallessë iTelypetanoron.**

Laurendil: Coa sina ná varna men. Ná i coa yo fólimavë Vorondiva.

Vandiel: Manen polir lemya varnä sina otossë?

Laurendil: Tyalintë raxëa tyalië. Ai te túvinë, tulyuvar unqualennar tien ilyë.

Valandil: Hyaminyë haryantë sinyar men pá Fiondil.

Laurendil: Cenuvammë.

**Laurendil tamba i andonna. iAndo palui ar cenintë linyenwa nér i alacénala .**

Boromir: Ná?

Laurendil: Aiya, Boromir. Ná inyë, heru Laurendil, as meldor.

Boromir: Aiya, herunya, ar á mitta.

**Laurendil ar i nessi artar i fenda. Boromir te tulya alta sambenna.**

Boromir: Herinya le cenuva rato. Ma mauya len ma?

Laurendil: Hantalë, Boromir, mal lá. Emmë mai.

Boromir: Ammára, herunya.

**Boromir auta.**

Ercassë: Man heri sina? Ma istammes?

Valandil: Úmit. Se estaina Ęarwen, anness' yeldë i heru Ęarnur Ciryatano.

Vandiel: Heru Ęarnur? So firin, umis?

Valandil: Ciryarya vannë raumossë. Ilyë ner vanwa.

Laurendil: Quéñ equë i raumo ú-sanyo. Sanatë Sauron mentanes.

Ęarwen: [Mittala.] Ar ma sanalyë, herunya Laurendil?

### **Yetantë ar cenentë nís i linyenwa mi nótië loaron i línen Númenórëo.**

- Laurendil: Sauron tev' i ëar, an ná i arda Ulmo ar nar cotumor. Er, i ëari haimenen quildi lú tana ló. Lá sanan vor istuvalmä, herinya.
- Ëarwen: Sanan haryal téra.
- Laurendil: Ánin lavë len carë istaina heru Valandil Calmacilion ar onónarya heri Vandiel Nossë Andúnieva, ar nildanta, heri Ercassë Ardamíriel.
- Ëarwen: Suilantanyel , melyanyar. Ni Ëarwen.
- Vandiel: Hantalë, herinya, lavien me sinomë.
- Ëarwen: Laumë, hinya. Á tulë, ánin quetë manan ellë sinomë yassë arraxëa len ilyë.
- Ercassë: Hannonya, Fiondil, tullë as Isildur Armenelosenna, mal úmes entulë as Isildur ana Rómenna. Sanammë né mandaina iAtaninen Arano. Rucimmë ráson.
- Ëarwen: Ar mauya len harya sámenya..
- Ercassë: Iquista.
- Ëarwen: Mai, cenuvan ya polin ettuvë. Mal, á serë sinomë sí. Boromir tanuval sambelyar. Entarë cé haryuvan sinyar.
- Laurendil: Hantalë, Ëarnuriel. Ai atarelya né sinomë, haryanes alassë pá elyë.
- Ëarwen: Ma sintel atarinya mai, heru Laurendil? Lá enyalen le quétala pá atarinya.
- Laurendil: Sinten atarelya mai írë so nessa, epë elyë nóna. So mára meldo.
- Ëarwen: Hantalë, herunya. Tenn' entarë.

### **iAurë enta Ëarwen omenta as Laurendil ar i etyar.**

- Ëarwen: Onólienyë massë Fiondil hempaina. So mapaina mandonna ar mentanë Morimindonna.
- Boromir: Úmëa nómé, herinya. Alarimbë vorir lúmenta tanomë.
- Ëarwen: Sivë mai istat, linyenwa meldo.
- Ercassë: Mana polim carë?
- Ëarwen: Ya polim. Istalyë nómé sina, heru Laurendil?
- Laurendil: Er quettallon entyaiva . iMindon lá engë i ressë ataryo.

Ēarwen: Rimbë engwi lá engë i ressä atarinyo, herunya. Mai, cenuvam ya polim carë rúna hannonya, melinya.

Valandil: Mauya men ista yassë i mindonessë Fiondil hépina.

Boromir: Polin sin ettuvë.

Ēarwen: Tyë, Boromir?

Boromir: Er haryan meldor, herinya. Polintë nin nyarë i mauya men ista.

Valandil: Inyë, istan lië i ostossë i polir me resta. Maquetuvanyet.

Ēarwen: San enyomenuvam írë haryam sinyar.

**Sinyë tana, i meldor enyomenar hlarien ya Valandil ar Boromir onólier.**

Valandil: iSinyar úmë mára, mal sa lá faica. iMindon mai tirna, mal ná lúmë i arinyassë epë ára írë tirror alarimbë. Ai selyalmë mitta i mindon ú-cenno, tana írë mauya men carita.

Boromir: Írë mittam, mauya men vanta nún atta talami, yassen nauva hirna Fiondil.

Ēarwen: Me, linyenwa meldo? Ma selyat tulya híni sinë i mindonna?

Boromir: Tanomë amarien epë, heri. Istan tienya mi, ve híni sinë avar.

Laurendil: Ar man estalyë “híni” sinomë?

Vandiel: Ná, man?

Ēarwen: Ánin apsenë, heru. Lá selyan le ehta . An ni, te annessa.

Laurendil: Sivë elyë nin, yeldë Ēarnuro.

Vandiel: Lá me híni, a sana ya sanuval.

Laurendil: Laumë, var lá sinomë nauvaccë.

Ēarwen: Tan sanda, Vandiel. Mauya ácen apsenë i enwinë, an ú-enyalam lilúmi manen tenya ëala nessa.

Valandil: Sië elmë selyainë? Lelyuvam sina mindonna ar rúnuvam Fiondil silómë.

Ercassë: Ná. Silómë hannonya nauva rúnaina. Nai tiruvantem ar varyuvantem iValar.

## 5: iMorimindon

**Lómë Armenelossë. Laurendil ar iNúmenóri lelyar Morimindonna. Eä pitya ando halyaina morniessë. Laurendil tulyat.**

Laurendil: Sinomë mittalmë folenen ar Boromir tulyuvammë i nómenna merim lelya. Á tiro! iTirnor alarimbë mal nar tanomë.

Boromir: Á tulë. iTië undu sinomë.

Vandiel: Mana tana saura yololë, Valandil?

Valandil: Caurë... ar qualmë. Á lemya quildë sí. Umin merë i tirnor me tuvë.

**Eä pend' axa. iTië morna ar i rambar nendë. Lelyar lencavë. Hlarir yiamë háyallo. Penda lelyar mir mandulómi . Teldavë, anatulir ando.**

Boromir: Anyáries nin Fiondil caita sambanna neldë andor sinomello foryanna.

Ercassë: Manen pantuvammes?

Laurendil: Va rucë! Tië nauva túvina. Á lelyam!

**Boromir latya i ando. Tirnor lá cennë. Erinqua calma faina i etya mentë i mardëo, mal i andos ilya morniessë. Er Boromir ar iEldaheru lelyar veryavë i harë morniessë. Anatulir i neldë ando foryanna.**

Laurendil: Aica lucë lumna sina andossë, mal poluvan ascates. Mauya nin ëa quildë.

**Ilya lemyar quilder ve Laurendil quetë quettar túrëo mussë omanen. iMorna orta órentello ve iEldaheru yalë iValarennar restien. Ú-oriëo i ando palya.**

Laurendil: Sinomë ëa alta túrë ulcun. Quettarinayanen anyárrienyet quén Eldaron lelya mardi sinë. Lintavë! Etérunuvammë hannolya ar autuvammë.

**Mittantë i mando. Laurendil tyarë cala calina ar cenintë nessë caitëa talamenna helda. So harna unqualinen.**

Ercassë: Ai, Fiondil! Mana acarientë cen?

**Fiondil lá rúma. Laurendil ar Valandil so ortar. Laurendil rahta lipilen ar antaryes Vandielen.**

Laurendil: Á anta son er atta var neldë limbar.

**Vandiel panta i lipil. iOlmë losilli, helinyetilli, nieninqui, asëa aranion ar yavannamírë quatë i vista. Vandiel ulya i eldarinwa miruvorë návanna Fiondilwa. iNessë cuiva. Fiondil tihta hendurya ar cenë Vandiel.**

Fiondil: V-vandiel? Mana caril sinomë? Ma amápienel yando?

Laurendil: Farëa. Mauya men usë sinomello. Hlarin ómar i tirnoron. Túlantë.

Valandil: [Quétala Fiondilen.] Polit lelya, nildonya?

Fiondil: Polin.

**Valandil hapë Fiondilo heldassë collaryanen. Autantë. Boromir ar Laurendil te tulyar. Vandiel ar Ercassë restar Fiondil ar Valandil te hilya. Boromir lá tulya i andonna, mal i etya mentenna i mardëo.**

Ercassë: Boromir, manan hotulyalem i andollo?

Boromir: iTië or pahta ná, herinya. Quén polë mitta, quén lá polë eterata . Mauya men hirë etya tië. Enyalin ety'ando ya tulya ettena. Mal, mauya men undulelya, lá amba.

Laurendil: Rámen tulya. Hilyuvammë.

**Boromir rata yanna tatya mardë sarë mardenta. Lelyaro hyaranna. Laurendil mapa i calma i rambas ar coliryes. Ómar i tirnoron tulir anharë. Boromir lá hauta, mal lelya veryavë sivë quén i cenë. Omentantë etya mardë ya i foryanna. iMentessë mardëo sina analelyantë telda ando.**

Boromir: Sinomë i ando. Undulelyas hrotanna. iAxa ar arraxëa. Írë tulel hrotanna, tiruval romenya. Mauya len rata hyaryanna. Á hilya i luini ondor.

Ercassë: Mal, manan sin nyarelem, Boromir? Ma uval me tulya?

Boromir: Inyë lá oi avantië tië sina hendunyaten. Quén istan sa lendë asinyë. Er istan i tië nyarieryallo.

Laurendil: Lá polim lenda. iTirnor harë.

**Boromir palya i ando ar mittantë. Penda i tië, morna ar aistaina. Ulca olmë vistassë. iTië lá pasta ná. iCalma ya Laurendil colë er faina nécavë. Voryantë vanta lencavë. Lúmë auta. Lumba i ungwalello, Fiondil lanta.**

Valandil: Mauya Fiondil serë. Sa lumba, ve elmë ilya nar.

Laurendil [Antala Valandil i miruvorë.] Á anta son sin. Er atta limbar ar san á lavë sucë ilquen yando.

**Olmë i miruvorëo quatë i saura vista, etementala i ulca indo sámantallon. Ilyë tenyar calahonda ar estelinquë. Fiondil orta ú-restiëo**

Fiondil: Ni mai. Á lelyam.

Laurendil: iHrota harë. Á tulë. Martonen rato eteratuvalmä.

Ercassë: Sanan hlaren i lamma néno.

Boromir: Hlarel. Celussë usë i hrotallo ar oment' as iSiril undu Noirinan.

**Rato i tië telë ar cenintë alta hrota, i haira metta yo vanwa morniessë. Vantantë hyaryanna ar arto cenintë pelehtainë ondor — carni, luini, ar mori. iOndor termarir lintiessen nar halla lá iEldaheru.**

Vandiel: Á hilya i luini ondor. Manna lelyar i carni ar mori ondor?

Boromir: Man polë quetë? Lá istan uquen i avantië i etyë tier. Er hanyan i luini ondor.

Laurendil: Á hauta! Hlarin i tirnor i hilyar, mal yando hlarin i lamma atanion i me analelyëar.

Vandiel: Ma umë etya tië ettenna?

Boromir: Lá.

Valandil: San mauya men mahta.

Fiondil: Únat. Atan i ucénala ar atta wendi, avaquetë inyë i helda ar ú-macilo?

Laruendil: San órë men vanta etya tië...carnë var morë?

Ercassë: Írë tirin carni ondonnar, orenya caurëa.

Laurendil: Ar i mori ondor?

Ercassë: Lá. Orenya lemya senda.

Laurendil: Ma yando orelya caurëa írë tiril i carni ondonnar Vandiel? Valandil? Fiondil?

Vandiel: Orenya umë ora nin pá carni ondor sinë.

Valandil: Umis ora nin yando.

Fiondil: Var nyë.

Ercassë: Umin hurë

Laurendil: Lá, umil. Orenya ora nin yando. Ratuvaam i mori ondoron.

Boromir: iTirnor hilyuvar.

Laurendil: Ai veryantë. Á tulë, ar nai me varyuvar iValar.

**Sí Laurendil te tulya, mal umit lelya haira írë entë túvinë. iTirnor te roitala horyar yurë tennar rámala, macilinta sacainë.**

Laurendil: Valandil, rátien tulya! Hautuvanyet hílyala. Ava nancenë!

Valandil: [Sácala macilerya.] Mal, polin mahta.

Laurendil: Macili lá mára sinomé. Á mapa i calma ar voroyurë!

**Valandil mapa i calma. Ercassë ar Vandiel mapa rancu Boromiro ar restantero yurien. Fiondil hilya. Ve autëantë, Laurendil lussa quettar lúcéo. Calima cala horya sílë ar i talan rúma. iTirnor rámar caurenen, ar nar hortainë iEldaherullo. Tópa i hroto ruxa ar i ondor lantar. Rato, i cala fífirua ar iEldaheru cenë i loicor i tirnoron imíca i lantainë ondor. Apa lúmë ratas i Númenóreennar, te hírala lintavë calinanen i calmo.**

Laurendil: Me varnë lúmen. Valandil, á vorotulya. Tiruvan catarelma .

Ercassë: Man carital? iTalan rúmanë ar engë alta cala.

Laurendil: Carnen ya mauya nin carë. Á lelya sí. Umin lerya er sinomello.

Vandiel: Mal, ilyë ondor alantier. Manen eteratuvalmë?

Valandil: Lá ilyë ondor, Vandiel. Cenit? Entë ondor er termarëar. Er polim cenë tielma.

**Vorovantëantë. Lúmë auta ar i lelië lenca. Fiondil lumba ar laiwa. Ringa i talmo heldë talluniryanna ar i harwi ungwalyeryo tyarer son talta. Helmarya amparca ar saiwa. Ranyas ulcë olorissen.**

Ercassë: Mauya men resta hannonya.

Laurendil: Quamë sina han curunya envinyata. Umin harya i envinyatala olvar ya mauya nin.

Valandil: Lá polis rúma. So ammilya.

Laurendil: San, coluvanyes.

**iEldaheru colë i nessë rancuryatsë. Lá lelyantë haira írë Valandil ráma.**

Valandil: Á tiro! Cenin calaurë . Á lemya sinomé. Cenuvan ai i tië varna.

**Rato Valandil entulë ettirieryallo .**

Valandil: iTië lata. Á tulë ar cenë i nómë yassë elmë nar.

**Írë entulintë, cenintë utúlientë tumbassë yassë sírë sírëa hyaryanna. Ravar i sírëo teltainë tasarinen. Hisië tupa i nórë. Sindanoiri ortar et hisiello. Anar er lá ororttië.**

Ercassë: Man nómë sina? Aloï epë ecénien nallë sina.

Vandiel: Istan nómë sina. Enta sírë iSiril ná ar nallë sina iNoirinan yanna i arani ar i tárir Númenóreo caitainë sérenen löössë Meneltarmo.

Laurendil: Elendientë haira iMorimindon ar Armenelosello.

Boromir: Lá polim lenda sinomë. Nallë sina avaina naicalëa fírienna. Eä racco ilyannar i tulir sina nómenna nu i aira oron.

Laurendil: Ai me rácinë, ëa titta carem. Mauya Fiondilen envinyatië. Caituvanyes nu alalmi sinë ar san sacuvammë envinyatala olvar te etelehtien.

Boromir: Manen i nessë?

Laurendil: So cuivië-lancassë. Sanan ai lá hirim ya envinyatuvas.

Vandiel: San, orë men tirë lintavë. Cé ëa asëa aranion sinomë.

Ercassë: Sin nómë fíriëo, lá cuilë. Massë hiruvam ya mauya hannonyan?

Boromir: Avahehta estel, yeldë. Nómessë fíriëo, ëa cuilë yando ar cuilessë, estel.

Valandil: Lá etelehtuvam Fiondil quétalanen. Sacuvan i síres.

Boromir: Lemyuvan as Fiondil.

Laurendil: San, á sacam ar lintavë. Fiondil harya titta lúmë.

## 6: iNoirinan

**Vandiel ar Valandil vantar i sírenna sívë Laurendil ar Ercassë sacar imíca i noiri. Lá hirintë asëa aranion, er oiosana túpala i sarcar. Ercassë cenë minë noirë carna ve cirya. Cendala i tengwar i noirena, yalis Laurendil.**

Ercassë: Heru Laurendil, a tiro! Sinomë i noirë Tar-Aldariono. Cenel? iNoirë carna ve cirya, cé i*Palarran*. Aldarion nildo Tar-Elenalcar Lindonórello ar heru Ciryatan Sindalondello. Yando so haira nossë.

Laurendil: Le hildë Aldariono? San, yando le ar hannolya nar i nossëo Elros Minyatur.

Ercassë: Ná, mal lá arnaserceva. Hannonya ar ni nar i nossello Almielo, i annessa nésa Aldariono terë ataremma. Nossemma harya titta alma var túrë, mal enyalimmë yallo tullem. Enyalimmë vandammar iValain.

Laurendil: Alma ar túrë umir ilqua, hina. Lemya voronda vandalyannar írë etyë umir ná mára lá ilya i malta ambaressë. Á enyalë i atari lielyo ar carintar — Bëor ar Húrin ar Beren.

Ercassë: Ar i amilli lienyo.

Laurendil: [Raina.] Ar i amilli.

Ercassë: Mana salpa tambina sina? Mana mi?

Laurendil: Salpa enyaliëo ná. Tan olwa tamuril. Umis parca. Mo er hilya yára haimi lielyo, racco var lá racco. Manan ëa racco sina tumbanna?

Ercassë: Orenya quetë nin aran lá merë i lië enyalë fírimantassë. iAran rucë i enyaliello i yarë aranion i firner lérë nírantar. Umis merë fírië.

Laurendil: Mauya ilyë Atanin firë. Ná indomë Ilúvataro ar annarya len. Sánan lúmë tuluva írë iValar, entë, nyénuvar ilfírinentassë epë Ambar-metta.

Ercassë: Ar iEldar?

Laurendil: Ná, me Eldar yando. Á tulë. Cenin lá asëa aranion sinomë. Cé Vandiel ar Valandil haryaner már' alma sacientessë i síres. Á entulem hannolyanna.

**Laurendil ar Ercassë entulir yanna Boromir hamë as Fiondil i fúmë ú-sérëo, sámarya ranyala. Ve avalelyantë cenintë Valandil ar Vandiel túlala tenna. Vandiel colë olvar rancuryastë.**

Vandiel: Hirnellë asëa aranion?

Ercassë: Lá, er oiosána ar i noirë Tar-Aldarion, haira nossenya.

Vandiel: Ihíriemmë nénuvar ar ela! “lórefen” . Olvar sinë carnë ve miruvorë cé antuvar envinyatala lórë Fiondilen. Umintë mára lá asëa aranion, mal restuvantë. Mauya men carë nárë.

Valandil: Polin carë nárë, mal manessë caruvat i miruvorë?

Laruendil: Ercassë, i salpa.

Ercassë: Ná, i salpa. Entuluvan rato. Á horyat carië i nárëo.

**Ercassë te auta lúmen ar írë entulis colis i salpa tambina i noirello Tar-Aldariono. Valandil acárië nárë turunen i alalmellon.**

Ercassë: Polim yuhta salpa sina. Aquátienyes as nén.

Vandiel: Mára. Á panya i salpa nárenna. Írë i miruvorë carna antanuvalmes Fiondilen.

Laurendil: Manan i nénur?

Vandiel: iNénu olva ya carë tulca i fëa. Yando estammes “poicahondalótë”, an quén i poica hondo polë vorona ilyë ulcar, yuyo i hroa ar i fëo.

Laurendil: Ar i fengi? Lá ecénieny’ epë nostalgë sina.

Vandiel: Sívé i fúmella, mal umë raxëa lá ta i hroanna. Tuias er Númenóressë ar túvina nénes

Laruendil: Le saila mí tier envinyatala, yeldë Atanion. Nolwelya etelehtuva nildolya.

Valandil: Anar orta ar i hisië vanyëa.

Vandiel: Mára. iUrë Anaro restuva Fiondil. iCarië i miruvorë telyaina. Ányë resta antien son sucë. Lencavë...lencavë, lá merim son quorë. Mára...mára. Antuvan son ya lemya apa lúmë. Sí, lóruvas.

Laurendil: Le lumbar ilyë ar lá polim lelya tenna cuiva Fiondil, sië mauya len lórë yando.

Vandiel: Ar le? Mana caruval ve lórim?

Laurendil: Ranyuvan nallë sina ar enyaluvan enwinë meldor.

**iNúmenóri caitar talamanna nu alalmi ar rato ilyë lornë. Laurendil ranya imíca i noiri lirala quildevë, hautala sinomë ar tanomë cendien essë ar enyalë lúmi vanwë. iAurë auta ar Anar nútëa Númenna írë Fiondil cuiva. Cenis iEldaheru i enutúlië yanna i etyë lórëar.**

Fiondil: Le Elda.

Laurendil: Ni Laurendil Rialcarion Tol Eressëallo.

Fiondil: Sananenyë ëa olos, mal úmes.

Laurendil: Úmes. Mal, ulcë olori ivílier as i mornië ar Anar sílëa. Á súya i poica vista ar ëa alassëa, an i meldë cen et mandollo utultier ar sí ce léra.

Fiondil: Léra, mal lá varna. Massë elmë?

Laurendil: iNoirinanessë. Elendiemme sinomë sérien ar envinyatien. Ce sí mai?

Fiondil: Ni mai. Yando ni helda.

Laurendil: [Raina.] iHerir lá sener cenda.

Fiondil: V-vandiel!

Laurendil: Ar Ercassë.

Fiondil: Mardë ná ulca lá fírië.

Ercassë: [Cuivala.] Laumë, Fiondil. Anwavë, é neri lapsi.

Fiondil: Mal, lá polin vanta terë Númenóre ú-vaino!

Valandil: [Híarala.] Han nallë sina, hyaryanna, ëa masto írë i tië Armenelosenna omenta i tië Meneltarmanna. Hiruvam ya mauya cen harya tanomë.

Vandiel: Ar san? Manna san?

Boromir: Lá polim entulë Armenelosenna ar mauya men leyla ter Armenelos tulien ana Rómenna.

Vandiel: Númenna?

Laurendil: Lá. iTië tana len arraxëa. Mauya men leyla etya tië. Mauya men leyla hyaranna..

Ercassë: Hyaryanna? Manan?

Laurendil: iCotumo úva sana saca tana tienen. Sanuvantë oantiem númenna oar Armenelosello.

Ercassë: Mal, mana hyaranna?

Vandiel: Nendanóri ar i masto Nindamoso yassë marir i lingwihos .

Valandil: Anar nútuva rato. Lemyan sinomë silómë ?

Laurendil: Ámen auta nallë sina i vanwain. Orenya ora nin lemya sinomë raxëa ná.

Valandil: Mauya men lelya hyaranna autien nallë sina. Tië rata ter i tavas. Omentas i tië Armenelosenna mí masto. Mal, cé mauya men lelya i síres Nindamosenna.

Ercassë: Manen hayassë Nindamosenna?

Boromir: Lempecainen lári, cé enquë rí ai martolma hepë.

Fiondil: Tyaruvan ilyë len vanta lencavë.

Valandil: San, Nindamos háya otso rí, lá enquë.

Boromir: Aiquen nauva lenca, quén tana ni. Cé lemyuvan sinomë.

Vandiel: Lelyuvam ve lintavë ve i allenca ar anatuluvam írë anatulim ar lá lúm' epë.

Laurendil: Quetaina ve anwa yeldë Antanion.

**Vantantë i síres ar ter i tavas — i lassi aháhier liacallon carni ar lauriennar ve i loa yerya hrívenna. Súrë winta i lassi ve vantantë nu alamë, nornë ar neldorin. Rato i tavas tyelë ar cenintë i tië Armenelosenna ar masto ara i sírë. Yando cenintë ohtari tien lartala imbë i masto ar i tavas. Nurtantë can' alta nornë.**

Fiondil: Umis mára.

Valandil: Ni analassëa cen ëa sinomë antien men sinyar sinë.

Laurendil: Istantë mauya men tulë tië sina.

Vandiel: Sië, mana si caritam?

Fiondil: Mauya men lelya terë i masto.

Laurendil: Lá. Mauya men auta i masto. Rato tuluva i lómë. iSiril lá sírë annúra sinomë, harë ehtelerya, mal cé polim er yuhta i sírë usien.

Ercassë: Manen?

Laurendil: Mauya men lotta ve turur celumenna.

Vandiel: Lá cenvantem er?

Laurendil: iRaxë nauva írë luttam ter i masto. Ai polim lemya haldë tenna me oantier i masto ilyë nauva mai.

Fiondil: Haldë ar quildi.

Laurendil: Ná.

Boromir: Umin polë lotta. Lá harya i curu.

Valandil: Polim le nuta -

Boromir: Laumë! Mauya i tirnorin lá cenital, sië, esélien i tirnor yétuvar ni ar lá yétuvar le.

Vandiel: Mal -

Boromir: Lá! Yeryëan. iLoar nessanyo avánier. Rato fíruvan. Orenya quetë nin pá sin, sië, ciluvan véra fírienyä ellë ve mauya cilë írë tulë i lómë. Ánin tulta i rénanna tavaso ar ánin nyarë manen vanta. Írë i tirnor quetëar nin san mauya len auta.

Laurendil: Ma tyë tanca?

Boromir: Ná, ni tanca. Lá, wendë, umil nyénya. Á hepë nieryar Númenóren írë lantás.

Ercassë: L-lanta?

Boromir: Ná. Ecénienyas i apacenyenen ya cé tulë yain harë fírië.

Laurendil: Túla i lómë. Ai caruvammes, mauya men caritas sí.

Valandil: Á mapa olwa sina tultien tielya.

Laurendil: iTirnor termarir harevë nelcëacai rangar epë tyë. Á vanta tëassë. iNórë latina. Nai iValar aselyë. Namárië.

Boromir: Namárië. Á nyárë i herin i cilië véranya.

**Tirintë ve Boromir et tuvas vantallo salquenórennar epë i masto. iMorniessë so rato vanwa cenyen. Laurendil lossa fírimain ta hiliën i sírenna. Quildevë mittantë i néni — Laurendil minya, san i wendi, as Fiondil ar Valandil teldë. Ve luttantë undu i sírë polintë hlarë Boromir ar quén tirnoron quétala.**

Tirno: Manna i etyë enwina nér?

Boromir: Ambalelyëantë i númenya Tarmasunda . Sintentë cé lartëal tien

Tirno: Ar umit asentë. Manan?

Boromir: Lá polim ambalelya. Ni alacénala ar anyerna.

Tirno: Yando tyë fírië, an i axan alalavë i mittar rácina nallë tana cuina.

**Sívë Laurendil ar i etyë autar i nómë yassë Boromir ar i tirno quetëar, hlarintë yello Boromirello ve i tirno macitas. San, hlarintë i tirno rámala ar i rimbë nérion yurëa. Rato i lammar i tirnoron sintar. Ilyë quildë hequa i moica nyényier i atta wendion.**

Laurendil: Ava nyénya, wendi. Boromir firnë ve mernes, veuyala iCala. Valar valuvar.

**Luttantë undu iSiril tenna i masto vanwa. San autantë i sírë yassë aldar teltar i ravar, te nurtala hendillon cotumoron. Laurendil horya carë nárë. Lá fumintë, mal írë entë lauca ar parca, vorolelyëantë leliemmanna, vantala tenn' ára. Fëantar tumnë ar lá cenintë i vanima i nórëo ter' ya vantantë. Sívë i vinyar fírimar caitar nu tamurilli, fúmenta quanta ulcar lórion. Laurendil tirë te, órerya lunga nyéryenen, sánala pá Boromir. Ettires nómentallo nurtalo hyaryanna yassë iSiril sirë mir i helwa hayassë. Nindamos er lilauri lelyala.**

## 7: iMetta Harë Ná

**An canta lómi lelyantë, hautala áranna lorien, rúcala roitië, mal lá tulis. Lá cenintë mastor ar matintë er yávi ar piuccar, an lá haryar quingar ar pilindi i roimen. Métimavë, arinya i lempëa auressë, tullentë harë i nandar i etsiressë iSirilo. Halatiri ar maiwi te suilantar.**

Laurendil: Analelyëam Nindamos ya cé lár sinomello.

Valandil: Cé erya lelyuvan i mastonna ar mancuvan yan mauya men ar hlaruvan sinyarin.

Laurendil: Á vanta moica. Lá istam ya amartië i nóressë.

Valandil: Entuluvan andúnessë.

Fiondil: Iquista, á entulë as ma ya polin colë.

Vandiel: Ar sananen senet vëa cólala er collo..

**iEtyë lalar. Fiondil carnë antassë quettarenen Vandielo, mal yando lalas. Ve Valandil auta, Laurendil, Fiondil ar i wendi hirir námë yassë polintë nurta imíca i lisci ar fengi nandaron. iAurë quildë hequ' an i yellor maiwion. Lorintë tenna taranar, san lartar entulië Valandilo.**

Ercassë: Merin apsan. Lá haryan alassë yávin ar piuccain.

Vandiel: Ar poicë hampi hroanyas!

Laurendil: Selyal, lá haryal alassë yuriën ar nurtien cuileyain ar matien er i yávi i nóreo? Lorien ily' aurë ar vantien ilya lómë? iYeldi Atanion nar milyë lá saniënya.

Ercassë: [Lussala Vandielenna, mal lá ammoicavë.] Ma macimmes sí var lartammë tenna mornië?

Fiondil: [Muilë ómanen] Mal merin tirë, sië arië ná mára lá lómë.

Laurendil: [Lálala.] Le ilyë anulcë híni! Hecal! Nai avartuvar le iValar.

Valandil: [Analelylala alacenna.] Sí, sí. Umis mauya len costa, hinyar. Atar anatulë as annar.

**iWendi ar Fiondil capir, captainë i analelienen Valandilo. Laurendil enlala.**

Laurendil: As rimbë annar, cendan. Mana sinyar?

Valandil: Sacantë men er, mal lá assarda. Sanan i aran ar Sauron haryar etyë tarsier. iLingwihos Nindamoso hlarir titta sinyar pá etyë nóri Númenóreo. Umintë

iVorondaron, mal yando lá melentë i aran var tirnonyar. Sanan me varnä sinomë lúmen.

Fiondil: Ná, mal manan andavë? Ar manna lelyam sinomello?

Valandil: [Yétëa Laurendil.] Eä etya nat...

Laurendil: Mana, Valandil? Á quetë, lastëammë.

Valandil: iLingwihos quetir ciryo. Sinda ciryo. Sa lá tulë i hópanna, mal sa lemya eäressë. Lartala, equet.

Vandiel: Lartala manan?

Laurendil: Lá mana, man.

Ercassë: Lá hanyan.

Laurendil: iCiryá estaina *Elemmírë*, an siv' i ranyar tana essëo, se lintë tieryassen.

Ercassë: Ciryalya.

Laurendil: Ciryanya.

Vandiel: Manen sintentë tulë sinomë?

Laurendil: Yallenyet.

Fiondil: Manen? Malúmë?

Laurendil: iEldar haryar i anta sanwë-mento. Mauressä, polimmë yalë sámammainen. Írë me Noirenanessä er, yallen torninyan i ciryassë tulë etsiren iSirilo yallo i cirya nurtala hópassë númenya Númenóressë.

Fiondil: Sintel mauya nin lelya tië sina epë sellem hilya i sírë.

Laurendil: Sinten.

Valandil: Manen rahtam i cirya? Lá sanan i lingwihos me restuvar.

Laurendil: Hannonya me hiruva. Mauya men rata i falassanna rómen Nindamoso. Tanomë i cirya me omentuva.

Vandiel: Ar írë tulim i ciryanna, mana san? Lá sanan polim entulë nossemmain.

Laurendil: Fiondil lá polë, mal ce, Ercassë ar Valandil polil, si meril. Lá sanan i cotumo ista man restainë Fiondil usë.

Ercassë: Mal istantë man Fiondil ná.

Laurendil: Istantë? Nyaretyat essetya, Fiondil?

Fiondil: Umin. Ar lá nyarenyet pá Isildur var manen me tanomë. Tana fólë varna. Istantë er ni quén iVorondaron mandaina alalávina nómessë. Sendentë nin usta.

Valandil: Sië, lá istantë essetya, mal istantë antatya.

Laurendil: Ala námë Númenóressë varna cen. Mauya cen auta ar lá entulë.

Fiondil: Manen? Lá polin lelya as le Tol Eressëanna. Manna lelyuvan ar manen anatuluvan?

Laurendil: Minya, mauya men rahta i cirya. San selyuvam nati sinë.

Ercassë: Polim arta i nandar i morniessë?

Laurendil: Me lá haryam i cilië. Mauya men rahta i ciryanna silómë. Hannonya lá polë larta andavë lúmessë pella.

Valandil: Tië rata ter' i nandar i mastonna, mal epë i masto etya tië rata rómenna.

Laurendil: Hilyuvammet, Valandil. Istat i tië.

Vandiel: Minya matuvam ar cenin utúliet hampi Fiondilen.

Fiondil: iValar laitainë!

Laurendil: San matuvam ar Fiondil haryuva hampi teldavë, mal lá polim lenda.

**Rato telyantë matië ar hilyantë Valandil, tervantala i nandar sivë Anar nútëa. Quanta mornië utúlië írë analeyantë i falas. iEleni mirilyar or te mal Isil lá er orortië. Ar vóronala rámen ná luntë— ar Eldar. Laurendil suilat.**

Laurendil: Voronwë, hannonya, manen yuir i ëari?

Voronwë: Yúrantë pastavë silómë. Mernet cirë Isilmenen, Laurendil? Ar man meldotyar?

Laurendil: Ánin lavë tyen carë istaina Valandil, Vandiel, Fiondil ar Ercassë.

Voronwë: Elen síla lúmenn' omentielvo. Á tulë, entuluvam i ciryanna.

**Mittantë i luntë arë rato amlelyëantë i ciryanna yasse poldë rancur te restar. iNúmenóri cenir hallë Eldaciryamor, yúyo néri ar nissi, mókala i ciryassë. Ilyë i Eldar suilar Laurendil moicavë lírala ómantenin ar i atani nolyar sa Laurendil hesto i ciryo ar Voronwë minya cánorya . Laurendil anta túri i ciryamoin arë rato i cirya cirëa rómenna.**

Valandil: Manna cirëam?

Laurendil: Cirim hópanna formen Rómennallo ya lá lilúmi yuhtaina lielyanen. Tanomë heru Amandil haryuva cirya ya ciruva Endoreenna as Fiondil. Ce ar Vandiel ar Ercassë varnë Númenóressë, var ce nauvar varnë lá Fiondil, ai er lúmen.

Fiondil: Manen ista heru Amandil harya cirya sina hópassë?

Laurendil: Quentemmë, so ar ni, epë oäntemmë Rómenna. Sintem ai Fiondil rúnaina, úmes polë lemya Númenóressë, ar sië, sellemmë cirya lartuva halda hópassë tultien Fiondil Endoreenna.

Valandil: Malúmë rahtuvam hópa sina?

Voronwë: Mauya men cirë rómen ar formen ve ai círam Endoreenna sië lá omentuvam ciryar i arano ar san entuluvam númenna. Tuluvam i hópanna entarë lómë harë perilómë.

**Ar sië, cirintë i lómenna ar tirintë Anar orta i eärello arinessë. iFírimar lá polir carë nat hequa tírir i falmar ar i maiwi. Harë taranar Laurendil canë i cirya entulë númenna. iNúmenóri hamir ar quetir imíca entë. Lúmessen, Laurendil tulë ar quetë entenna mal lá andavë. Nútenna cenir nórë arë rato istantë tuluvam i hópanna ar i cirya ya ciruva as Fiondil Endoreenna. Fiondil ar Ercassë quetir aquapahtiessë ar ya quéntina imbë te lá istaina. Laurendil canë calar ve morníë lanta. Harë perilómë cirintë i hopanna ar cenir erya cirya. Laurendil analelya i nessë Númenóri.**

Laurendil: Lelyuvam falassenna ar omentuvam heru Amandil. Polit quetë namárielya sonna Fiondil ar quetivas cen ontaretyannar.

Fiondil: Lá merin etelelya. Merin lemya sinomë ar mahta.

Laurendil: Lá sanan nauva mahtië. Namin i auri tulëar írë er cilië nauva rucë i tulië atalantiello. Mauya cen Endoreenna carien nómë yan tyë-hilyuvar. iCirya tylyuvat Lindonna, i aranienna Elenalcaro. Mapuvat menta sonna nillo ar restuvaryet. Áva rucë! Cuiletya lá carna, er ahyaina. Á tulë, sí lelyuvam falassenna.

**Írë tulir falassenna, Amandil te suila.**

Amandil: Aiya, heru Laurendil. Cenin ihíriel i vanwa. Le mai hinyar?

Valandil: Mai, herunya, hantalë.

Amandil: Ni alassëa cenë tyë mai, Fiondil.

Fiondil: Hantalë, herunya. Ma Isildur mai? Valandil nin nyáranë Isildur laiwa.

Amandil: Indonya er lá mai, mal cuivas ar haryan estel envinyatuvras rato. Sí, mauya cen lelya sina ciryassë, yonya, ar auta Númenórë ilya lúmen. iArano Atani er tírir cen. Tirintë iVorondi ar maquetentem. Ná mai istantë uqua pá lendietya Armenelossena var ya carnet tanomë. Sí á antat nésatya ar meldotyar namárietya.

- Fiondil: Merin polin lemya sinomë, var ilyë polil tulë asinyë.
- Valandil: Men lelya asetyë tultuva raxë nosselvannar, mal sanan lúmë tuluva írë yando mauya men auta Númenórë.
- Vandiel: Mauya cen auta Fiondil, mal lá ernessë. Tuluvan asetyë.
- Valandil: Vandiel, mana quetëat?
- Vandiel: Melin Fiondil ar autuvan asero. Mauya cen ar Ercassë lemya sinomë variën nosselvar i aranello mal lá mauya nin lemya, sië autuvan as Fiondil.
- Amandil: Ai autat, yeldenya, nauvat hetaina ilyello ya melit.
- Vandiel: [Mápala má Fiondilo.] Al'ilyë, heru Amandil.
- Valandil: Ma sintet mana nésanya sellë, Fiondil?
- Fiondil: Er sina lúmessë, mal ai meris tulë asinyë lá váquetuvanyes.
- Valandil: Sin sanda íretya, nettë?
- Vandiel: Ná.
- Valandil: San haryat almiyenya, mal lá istan ya ontanilma quetuvar.
- Ercassë: Quetuvantë ya quetuvantë mal i carië nauva carna. Haryat almiyenya yando Vandiel, ar sí ananta polinyet esta Nettë.
- Laurendil: Cilmetya mára, Vandiel, an yúyo. Nai aistuvantel iValar sí ar tenn' aurilya-metta. Namárië. Lá enomentuvalva.
- Fiondil: Namárië, Eldaheru ar hantalë ránin restalyan.
- Amandil: iLúmë sinomë len auta. Namárië, híninyar. Nai nauvar quanta alassëo cuilelyar. Sí mauya men yando auta.
- Ilyë autar, iEldaheru ciryaryanna ar Fiondil ar Vandiel ciryantanna. Rato, i ciryat cirir i lómenna ar i lírala Eldaron polë hlaraina or i falmar. Queni falassenna tirir lúmen tenna i calar ciryato ar i lírala firir i hayassenna.**
- Amandil: Sí mauya men yando auta. Utultienyë roccor an lendemma. Á tulë, i lúmë men utúlië entulë mardenna.

### **iQuentastallon Lindono:**

**Tatya Randa 5133: Sina loassë nóna yeldë iEldandilin, heru Fiondil Aradmirion ar herirya Vandiel Calmaciel, ar esserya Laurendilmë. Nai aistantes iValar....**

**Tatya Randa 9133: Sina loassë ciryar Númenóreello iAtalantië anatuller Lindonessë cólala Elendil, heru Andúniëo. Asero tuller atta i milyainë heru Fiondil ar herirya Vandielinen — heru Valandil ar herirya Ercassë, ar asentë utúlië yondonta, Boromir. iAlassë omentiento tyarnë Tar-Elenalcar insë nyéna.**

iMetta